

Maria Geerman Reina di Dande 2006 na Hulanda

Pa di 20 aña biaha Fundacion CAR- Rotterdam bao direccion di **sra. Erna Diaz** a organisa Dande Festival na Hulanda. Esaki a tuma lugar diasabra 30 di december 2006.

MC di e dia aki tabata **Addonsito Croes**. E aña aki e festival a ser dedica na **sr. Novio Geerman** kende ta un di e pilarnan di Dande na Hulanda. E participantenan pa dande 2006 tabata: **Oslin Trimon, Najesca van Trigt, Alex Trappenberg, Chencho Kelly, Maria Geerman, Frank Kock y Miro Ridders-tap**. Nan a ser acompaña pa e banda L-Rubia bao direction di **Elroy Blanken**. Miembronan di hurado e aña aki tabata: **Sra. Olivia de Cuba, Marcelino Ras, Toni Tromp, Pito Reineta y Frans Solognier** como presidente di hurado. Un presentacion di kita sombre a ser duna door di **Vicente Kelly**. E grupo “Sabor Criollo” bao direction di **Anthony Giel** tambe a deleita nos mas cu 700 persona den e sala di Odeon Rotterdam.

E resultado: Na di 5-to puesto: Alex Trappenberg; 4-to puesto: Chencho Kelly; 3er lugar: Frank Kock; 2do lugar: Oslin Trimon y ganadora 2006 a resulta Maria Geerman.

Representante di Aruba-huis- Den Haag **sra. Ivonne Quant** a hiba palabra y den nomber di Ministro Plenipotenciario **Frido Croes** el a felicita Fundacion CAR cu e celebracion di nos dande. Tambe el a desea nos publico presente un Bon Aña 2007.